



Exordium.

Wer liebt in dem H. Ern Jesu / zur
zeit des h. Propheten Jeremie / Regiert
zu Jerusalem / gar ein frommer Gottses
liger König / mit namen Josias / der füh
ret ein gut vnd löblich Regiment / zu sei
ner zeit war das ein zeitlang verlohne
gesetz Buch / die Tabele wider gefunden / vnd ans tag
Licht gebracht / dessen freuet sich der König von hertzen /
liese auch als bald nach dem selbigen Buch / den gefallenen
Gottes dienst / allenthalben wider anrichten / den Götzens
dienst / vnd Abgötterey hinweg thun vnd abschaffen / wie
hievon geschriben steht / im 2. Buch der Königen am 2.
vnd 23. cap.

Zweyffels ohn hat damit das fromme Hertz / dem
größten Hauffen der Menschen / keinen dienst vnd gefallen
gethan / dann der selbige Erschrickt darab / wann Gott
mit seinem Wort vnd Euangelio in ein Land / Statt / vnd
Flecken ein zeucht: Exempel / da die newe Zeitung gen Jes
rusalem kam / Christus / Messias were Geboren / da er
schrack Herodes vnd mit ihm die ganze Statt Jerusalem /
das ist der größte theil desselbigen / Matth. 2.

Aber doch die Frommen vnd Gottseligen Unterthas
nen / des Königs Josie / die haben sich gefreuet wegen dies
ser Reformation / welches dann ihr williger gehorsam bes
zeuget / daß sie sich nach des Königs gebott / vnd befelch /
so williglich zum Passah oder Osterfest ein gestellet haben /
wie solches auß dem 2. Buch der Königen am 23. cap. zu
erkennen.